

اداره مرکزی :

آنقره ده ، استانبول جاده سنده آنقره
معارف امینلکی یاننده کی داتره

استانبول بورسی :

استانبولده ، باب عالی جاده سنده ۸۷ نوروده
داتره مخصوصه

حیات

میان راهم آمیازه ... دیار دها هیره حیات قاتالم ...
- بجه -

نسخه هربرده ۱۰ غرورده .

سنه لکی بوسته ایله ۵ لیرا .
(اجنبی مملکتلر ایچین ۵ دولار) .

ایوه و اعلان ایشلری ایچین استانبول بورسه
مراجعت ایدیلیر .
یازی ایشلرینک مرجعی آنقره مرکزدر .

صافی : ۴۷

آنقره ، ۲۰ تشرین اول ، ۱۹۲۷

۲ نجی جلد

مصاحبه :

غازینک نطقی

۱۶ ، تشرین اول ، ۱۹۲۷

۱

هنوز حاضر لانا مشدی . هرشیدن اول محیط یار اتمق
اوندن صوکراده غایه « نه تاب نه تاب » کیتمک
لازمی . بر تک غازی او محیطی یار اتمق کافی
کلدی . ایسته انسانی قدر تک تجلیسی بونقطه ده در .
بویوک آدمیر ، قدرتی بیله ن ، غایه واصل
اولمق ایچون کیدیلجک واسطه یی کوره بیله ن
بویوک ذکالر در که « محیط » یار اتمق . بشری حمله لک ،
ترقیلرک سری بوراده در . اکر انسان طبیعت
و محیط اسیری قالمش اولسه یدی مدنیت اولامازدی .
جمیته ، طبیعت مؤثر اولمق ، محیط یار اتمق ،
قوتلری قوللانمق امکانش در که ترقی یی تولید
ایده بیلور . بواکاندن اعظمی استفاده « عملی
دهانک » ایشیدر . غازی ایسته بویله دهادر .
او آنادولی یه کیرنجه مختلف تشکله ده کی شعور
دیکشدی و صوکرابرله شدی . جانسز قالان یرلرده
حیات و حرکت باشلادی . دها اول ملی غایه نک
شعورینی دویمایان یرلرده هیجان کوزو کدی .
غازی اولدن کنده سیله چالیشان ارقاداشلردن
بعضیلرینک نه ایچون آیریلدیغنی ال و جیز بر صورتده
اکلاتدی : بویوک دها قرایینی تطبیق ایدره ک
یورودکجه بعضیلرینک تفکر و تحسلی حدودینی
کچوردی . اونلر دماغلرینک قابلیت نسبتنده
برابر یورویه بیلدیلر . اوندن صوکر غازینک
قدرتی قاویرایمادیلر ، اکلا یامادیلر . مخالف
اولدیلر . صوکه مخالفتک پیسیقولوژیسی آنجق
بو قادار وجیز اکلاتیلا بیلیدری .

محمد امین

حالی قارشیسنده کندی یولنی تعیین ایدویرمشدی .
بویول اوزمانده کی هیچ بر جریاندن کله یوردی .
ایسته دهانک ابداع قدرتی بونقطه ده در . غازی
اولا وضعیتی بوتون چیپلاقلغیه ، بوتون وضوحیه
کورمش ایدی . بو کوروش تام بر متفکر
مشاهده سیدر . اوندن صوکر یولنی تعیین
ایله مشدی . بوراده تام بر « دهای عملی » نک
اراده سی کوزو کویوردی .

غازی ینه اوکون ویردیکی قرار قارشیسنده
محیطک وضعیتنی آکلاتدی : اطرافده کیلر
موروث بر اعتیادله سلطنت و خلافت اطرافده
طوپلانمق ، عثمانلی سلطنتنی ممکن اولدینی قدار
آز ضررله قورتارمق ، حتی قابل اولورسه
تام بر جزو حالنده دولتلردن برینک ، یا انکله تره نک
حایه سنه ، یا خود آمریقانک مانداسنه ، تودیع
ایلمکی ایسته یوردی . غازی عثمانلی سلطنتک
آرتیق چو کدیکنی کورمشدی . قورتاریلا جق
شی یالکز تورکک آنا وطنی اولابیلیدری .
مملکتی قورتارمق آنجق اوکا تام برا استقلال
ویرمکه ممکن بولونا بیلیدری . شو حالده ملته
رتب ایله یین وظیفه تورکک آنا یوردینی تخلص
ایدی . بو وضعیتده متردی بر خاندان نامنه صرف
ایدیلجک بر قوت موضوع بحث اولابیلیرمیدی ؟
تاریخک ضررلی بر موروثی اولان « خلافت » دن
تورکک بکله یه بیله جکی هیچ برشی بوقدی . اک آرزمانده
آرتق ماضی یه قاریشمش اولان بو مؤسسه دن
قورتولنی دوشونمک لازم کلیوردی . فقط محیط

خلق فرقه سی قونفره سنده بویوک غازی
نطقلرینه دوام ایدیورور . غازی بر تاریخ یار اتمق
قلمادی ، اوتاریخی بالذات یازدی . یارینکی نسل
اونی اوقودینی زمان یکی تورکیه نک تأسسی
تاریخی بالذات غازیدن اوکره نمش اولاجقدر .
غازی یالکز قوماندان ، یالکز بویوک دولت
آدامی ، یالکز مبدع بر انقلابی دکل ، بو
نطقلریله بوندن صوکر کی نسللر ایچون بویوک
برمری اولدی . هیچ بر قلم غازی یی کنده یسندن
ای اکلاتاماز ، هیچ بر مورخ یکی تورکیه نک
تأسسی اونک مبدعی قدار قوتله ایضاح ایله .
مزدی . بوندن صوکر کی نسللر غازینک یالکز
معظم اثرینی دکل ، کنده یسندده کندی لساندن
طائیش اولاجقدر . یالکز قونفره ده بولونانلرک
دویدقلری بر ذوق و هیجان واردر که اثری
اوقویانلر بوندن محرومدرلر : غازی یالکز بر
متفکر دکل ، قوتلی بر خطیدر . سوزلر اونک
لساننده امثالسر درجه ده مؤثر اولویور . غازی
قونفره نک ایلمک کوننده ، صامسونه چیقیدینی
زمان اسکی عثمانلی سلطنتک نه حالده اولدیغنی
اکلاتدی ، اوفلاکتلی کونلرده نه کی تشکله لک
بولوندیغنی ، فکرلرک ناصل تشته اوغرادیغنی
حکایه ایتدی . دیکلر کن قارشیکزده او الملی
آنلرک اک صادق تابلوسنی کورو یوردیکز . اک
صنعتکار قلمده ، اوزمانی آنجق بو قدار کوزل
جانلاندیرا بیلیر ، اک اویژه قتیف بر کوزده وقایعه
بو قدار صادقانه باقاییلدی . غازی مملکتک بوالیم

علم عرکتدی

عقل و کوکل

مدرس خلیل نعمة الله بکک حیاتک کچن نسخه لرنده تدقیق ایله دیکم یازیسی محترم محررینک ذاته منحصر اولمایان، عجیب اولدینی نسبتده زمانزده متعمم بولونان برحالت روحیه بی افشا ایلر : بوکون چوق کیمسه لر عقلمن قورققده ، دیکرلری ایسه اونی استخفاف اتمکده در . خلاصه عصریمزده صانکه عقلک قیمتی تزیل اتمک ایچون قوتلی بر جریان مشهود کییدر .

بوده غریبدر . چونکه علمی وجود کترین عقلک هرکون یکی یکی موقیتلرینه شاهد اولوبورز . حالبوکه بو موقیتلر اوکا ارتباطی آرتیراجق برده بالعکس اعتماد سز لغمی جو غالتیور کییدر . اسکیدن ، ذهنی فعالیتک انسانک حیاتی اصلاح ایدمک تجداتی پک نادراً وجود کتیردیکی عصرلرده ، عقلک قدرته ، مبدأ و معاد مسئله لرینی حل اتمک ، انسانه حیات غایه لرینی کوستریمک ایچون صلاحیتنه بلا قید و شرط ایمان ایدیلوردی . بوکون ایسه ، هرکون بزی شایرتان اختراعلره رغماً ، « مفهوم ملک انسانی اولدوردیکنه » قانع متفکرلریمز واردر !

علم اوزرینه و علمک تطبیقاندن عبارت صنایعک انکشافی اوزرینه استناد ایدن بوکونکی اجتماعی حیاتک شرائطنه نظر ابوالحال و وضعیت و هله اولاده غیر منتظر کوزوکور . مع مافیه اونی ایضاح ایدمک سبیلری کوستریمک ممکندر . بونلردن بعضیلرینی صایبورم :

هاتش :

اقادیمی مسئله منه دار

بعضی آرقاداشلر یعقوب قدری بکک اورتایه آتدینی اقادیمی حقنده فکریمی صورویورلر . کچنلرده نور الله عطا بکده بکا سؤالر صوردی . حاکیت ملیه ده انتشار ایتدی . فقط بن اوقادار واضح سویله ممش اولمالییم که فکریمی لایقیله آ کلایانلر اولدی . « جمهوریت » غزته سنک جمعه ایرته سی کونکی نسخه سنده آقادیمی مسئله سی حقنده یونس نادى بکک غایت کوزل بر مقاله سی وار . بنده تماماً یونس نادى بکک دو شونویورم . اونک ایچون بو مقاله نک بنده تماماً اشتراک ایله دیکم اساسی فکرلرینی کله جک هاقفا (حیات) . عیناً درج ایله مکی فائده لی بولدم .

م . ا .

اولا ، علمک بوموقیتلری ذاتاً عقلک فعالیت ساحه سنی تحدید ایلمک سایه سنده ممکن اولشددر . علمک وضع ایله دیک قانولرک نه شرطله معتبر اولایله جکی آراشدیران متفکرلر ، ایستراتانت کبی بر بیلکی نظریه سی انشا ایلمش اولسونلر ، ایستراتانتی فعالیتک . قانیزماسنی ساده جه روحیاتک چرجیوه سی داخلده تدقیق ایلمسونلر ، شونتیجه یه واردیلر : عقلک آنجق تجربه حدودینی آشماق شرطیله ، واقعات ساحه سندن اوزاقلاشماق قیدیله انسان ایچون بر رهبر اولماسی ممکندر . و ، بو عمده بر کره قبول ایدیلنجه ، بشریت آفاقلری اوزرنده صاغلانجه باصارق ترقی بولنده ایری آدیملر آتدی ، فقط قانادلرندن محروم قالدی : بوتون حسابات و خیالات سمایی ، بوتون مقدس دویقولر ، واقعات قارشی قونولان بوتون واجبات عقلک مداخله سندن آزاده کوزوکدی . الله وارمق ایچون ، حیاتک غایه سی تعیین اتمک ایچون ، کوزله ، خبری طایبق ایچون « قانی » مفهوملردن دکل اسرارلی ، مبهم ، کوکلری قاراکلر ایچنده قالان درین حسلردن استعانه اتمک لازم کلدیکنه حکم اولوندی .

ثانیاً ، عقلی رهبر و مبدأ اتخاذ ایدمک حیات کائناتی ایضاحه قالدیشان متفکرلر ، عینی زمانده اولمک روحده بوتون دیکر ملکاته حاکم اولدینی قبول ایدیورلردی . روما ایمپراطوری رواقی مارقوس اوره لیوسک ویا سپینوزامک تألیقاتی اوقویکیز ؛ صوک تحلیلده شوقناعتنه مصادف اولاجق سکر : علم عینی زمانده عملدر ، بر احتراصی طایبق . اوکا حاکم اولمق دیمکدر . حالبوکه هرکونکی تجربه انسانلرک عمللریله علملرینی نقض ایله دکلیرینی کوستریمه یورمی ؟ بو بیسط مشاهده لره ابتناء انسانلرک حقیقی سلطانی کوکلدن عبارت اولدینی ، حیاتک ، وجدانک ساحه سنه عقلک مداخله سی بوزندن ضرردن باشقه برشی تولد ایدمیه جکی قبول ایدلدی .

ثالثاً ، اولکی ملاحظاته بالخاصه مملکتزده تصادف اولنان شوقناعتی ده علاوه ایدم بیلیرز : سیاسی حیاتده علم صاحبی فقط اخلاقیز ، یا خود متردد ، غایه سنی تعییندن عاجز شخصلر قارشیننه ؛ عزیمکار ، لاکین تحصیلز کیمسه لر چیقدی . برنجیلرک موفق اولامدقلری برلرده ایکنجیلردن جوغی پارلاق بر طرزده موفق اولش کوزوکدیلر . برنجیلرک علمه استناداً امکانش اولدینه حکم ایتدیلر شیلرک ، ایکنجیلر طرفندن قولایقله تحقق ایتدیلر لیکي مشاهده اولوندی . بوده علمک عملی حیاتده عجیزنه دلیل فرض اولوندی .

رابعاً ، تجربی علمک ترقیلری سایه سنده موضوع ادیانک عقیده لرینه اویمایان حقیقلر اورتایه جیقنجه جوق دیندارلر نظرلنده عقل ، تخریب ایدیچی بر قوت اولدی . هله علمی تدقیقات ایله ، داهای دوغروسی علمی عد اولونان نظریه لرله ، مثلاً داروینک نظریه لری ایله اخلاقک منشأخی ایضاح اتمک تشبیلری بو تلقینی قوتلندبردی . بر زمانلر تشریح ماصه سی باشنده انسانک بدنی دلیک دشیک ایدن تشریح عالمنک روحنده انسانک حیاتنه قارشی حرمت ، انسانک کوزلککنه مفتونیت موجود اولامیه جغنی قبول ایدنلر اولدینی کبی

مادی علملره استناداً اخلاق دویقولرک کور طبیعت قانولرینک علی العاده نتیجه لردن عبارت اولدینی سویله رک اونلرک قدسیتنه مدهش برضربه ایندیرن متفکرلرک ده ایستراتانتی من اخلاقیز اولاجقلری ادعا اولوندی . رومانچی پول بورژ « تلید » le disciple عنوانی مشهور حکایه سنده کی اشخاصدن روحیات عالمی موسیو سیکسته Sitxe شو - ووزلری سویله تیور : « فیلسوف ایچون نه فضیلت ، نه ده جرم واردر . . . خیر و شر نظریه سنک یکانه معناسی ، بعضی اعتباری امورک هیئت مجموعه سنه اشارت ایلمکدن عبارتدر . بو اعتباری امور ایسه قسماً فائده لی شیلردر ، فقط قسماً ده جو جوقلقلردن باشقه برشی دکلدیر . » بوتون اثر انسانده شوائطیعی حصوله کتیربر : علم ضروری طبیعت قانولرینک موجود اولدینی ، کائناتده هرشیثک لایتغیر بر ضرورته تبعاً وجوده کلدیکنی قبول ایدر . روحی حیات ایچون ده عینی نقطه نظر جاریدر . او حالده علم نظرلنده فضیلت قیمتسزدر ، جرم ایچون ده مسئولیت اولاماز . اساساً « آکلامق و ایضاح اتمک معذور کورمکدر » دینلمه یورمی ؟ علمک غایه سی ایسه آکلامق و ایضاح اتمکدن باشقه برشی دکلدیر . او حالده حسلری میز اولدورمک ایسته مه یور ایسه ک ، حیاتده ذوق بولمق ، ایمانله یاشامق و چالیشمق آرزوسنده ایسه ک اونلری بو قورقونج تماسدن وقایه ایدلم . « عقل منطقنک » ساحه سی آیرالم که کوکلر ، وجدانمز سربست اولسون ، سربستجه حکمنی ویره بیلسون !

صیا کوک آلپک مشهور ، فقط مع التأسف پک مبهم اولان حرث و مدنیت تفریق ده - عینی تفریق محترم خلیل نعمة الله بکده بنه مشدر فقط بزه فضله هیچ بر وضوح کتیرمه مشدر - عواملندن بعضیلرینی تعیین اتمک چالیشدیمز شو جریاندن ملهمدر : مدنیت ، عقلی فعالیت عالیدر ، علمک یا وروسیدر ؛ حساً یکدیگرینه بابانچی ، کوکلری باشقه استقامتله متوجه ملنلر آراسنده مشترک اولابیلر . فقط حرث جیجکی بزم اوزجانزدر ، اونی « قانی » مفهوم ملک قالیته صوقق ایسترسه ک اورسه له نیر ، صولار ، محو اولور . ذهناً قاورامامزده امکان اولمایان بودریس حرث حیاتک یولی تربیه مدرسی اسماعیل حق بک بزه وقتيله شویله تعریف ایتشدی : « علم ساحه سندن ، فکر اراضیسندن جیقیکز . ولیرلرک ، پیغمبرلرک اثرینه اقتفا ایدیکز ؛ قلب کاشانه سنه ، وجدان سراینه کیریکز الخ . . . » (یکی دنیا مجموعه سی ، ۱۳۳۵ ، برنجی نسخه) . کورولوبورکه مملکتیمزک ینشیدردیکي نادر متفکرلرک بر جوغنی بردن پیشنده سوروکله بن و اساساً غرب عالنده ده محسوس اولان بر میلان قارشیننده بولور . نویورز . فقط بوجریانک منشأخی ایضاح اتمک قولای ایسه ده قیمتی تعیین اتمک اولدنجه کوجدر .

- پیتمه دی -

محمد عزت

